

Broj: 01-04-6-04631-4/2020
Sarajevo, 12.1.2021. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-04-6-04631-3/2020 od 12.1.2021. godine, Direktor Federalne uprave za inspeksijske poslove, u ime ugovornog organa donosi

ODLUKU o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javnu nabavku broj 01-05-6-04631-3/2020 od 12.1.2021. godine, te se ugovor o javnoj nabavci roba gorivo i vjetrobarska stakla motornih vozila Federalne uprave za inspeksijske poslove dodjeljuje ponuđaču „Hifa – Petrol“ d.o.o. Sarajevo, koji je nakon provedenog otvorenog postupka uz primjenu e-aukcije ponudio najnižu ukupnu cijenu ponude u iznosu od 82.301,23 KM bez PDV-a, odnosno sa uračunatim PDV-om 96.292,44 KM.

Član 2.

Ugovor sa ponuđačem iz člana 1. ove odluke će se zaključiti pod slijedećim uslovima:

- ukupna ponudena cijena nakon provedenog postupka e-aukcije bez PDV-a: 82.301,23 KM
- ukupna cijena sa PDV-om: 96.292,44 KM
- na svaku isporuku roba koje su predmet ugovora, u skladu sa ponudom ponuđača iz člana 1. datom u provedenom postupku e-aukcije će se obračunavati popust u visini od 16,68 %. Popust je fiksna, neće se mijenjati iz bilo kojeg razloga i isti će se obračunavati na cijene utvrđene zvaničnim ovjerenim cjenovnikom (obrazac o promjeni cijena i marži u maloprodaji, ovjeren od strane Federalnog ministarstva trgovine)
- rok plaćanja: 30 (trideset) dana od dana prijema fakture za realizovanu isporuku
- period trajanja ugovora: ugovor će se zaključiti na period od 1 (jedne) godine dana od dana zaključenja.

Član 3.

Izabaran ponuđač iz člana 1. odluke je dužan u roku od 7 (sedam) dana od dana prijema odluke dostaviti ugovornom organu dokaze zahtjevane članom 45. Zakona o javnim nabavkama i tačkom 11. tenderske dokumentacije, kojim potvrđuje da:

- a) u krivičnom postupku nije osuđen pravosnažnom presudom za krivična djela organizovanog kriminala, korupcije, prevare ili pranja novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

Dokazi koje će dostaviti izabrani ponuđač moraju sadržavati potvrdu da je u momentu predaje ponude ispunjavao uvjete iz člana 45. ZJN i odredbi tenderske dokumentacije.

Ukoliko izabrani ponuđač u roku ostavljenom stavom (1) ovog člana ne dostavi naprijed tražene dokaze u ostavljenom roku, odnosno ukoliko dostavi dokaze koji ne budu potvrđivali da je u vrijeme predaje ponude ispunjavao uvjete iz člana 45. ZJN, isti će biti isključen iz daljeg učešća u postupku javne nabavke zbog neispunjavanja uslova za kvalifikaciju.

Član 4.

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Na osnovu odluke direktora Federalne uprave za inspeksijske poslove pokrenut je otvoreni postupak nabavke roba uz primjenu e-aukcije za nabavku goriva i tečnosti za vjetrobranska stakla za potrebe službenih motornih vozila Federalne uprave za inspeksijske poslove. Dana 17.12.2020. godine izvršeno je objavljivanje obavještenja o nabavci na Portalu javnih nabavki, a 25.12.2020. godine u Službenom glasniku BiH broj 84/20, broj obavještenja 1292-1-1-24-3-21/20. Tenderska dokumentacija je učinjena dostupnom potencijalnim ponuđačima na Portalu javnih nabavki.

U terminu utvrđenom obavještenjem o javnoj nabavci i tenderskoj dokumentaciji dana 8.1.2021. godine izvršeno je javno otvaranje blagovremeno pristiglih ponuda, kojom prilikom je konstatovano da su blagovremeno ponude dostavili ponuđači, po cijenama datim u slijedećoj tabeli:

Naziv/ime ponuđača	Ukupna cijena ponude bez PDV-a	Ponudeni popust
„Hifa – Petrol“ d.o.o. Sarajevo	98.775,00 KM	Ne
„Petrol BH Oil Company“ d.o.o. Sarajevo	99.130,00 KM	Ne

Komisija je utvrdila da nije bilo neblagovremeno pristiglih ponuda.

Zapisnik sa otvaranja ponuda je odmah putem pošte upućen na adrese ponuđača koji su dostavili ponude.

Odmah nakon provedenog postupka javnog otvaranja ponuda komisija je izvršila analizu pristiglih ponuda provjerom sadržaja i validnosti dokumentacije koju se ponuđači dostavili, te je tom prilikom konstatovala da su ponuđači dostavili urednu dokumentaciju traženu u postupku, odnosno da su svi ponuđači dostavili dokaze kojim dokazuju da su kvalificirani za dalji tok postupka i da ne postoje razlozi za odbacivanje ponude bilo kojeg od ponuđača. Komisija je konstatovala niti jedan od ponuđača nije dostavio potvrdu Vanjskotrgovinske komore BiH kojim potvrđuju da robe koje nude ispunjavaju uvjete za primjenu preferencijalnog tretmana domaćeg u skladu sa Odlukom o obaveznoj primjeni preferencijalnog tretmana domaćeg („Službeni glasnik BiH“, broj 34/20), a i u obrascu koji je sastavni dio tenderske dokumentacije oba ponuđača su naznačila da njihove ponude ne ispunjavaju uvjete za primjenu preferencijalnog tretmana domaćeg.

Nakon toga je izvršena provjera računске ispravnosti dostavljenih ponuda, te komisija nije utvrdila greške u računanju u bilo kojoj od dostavljenih ponuda.

Komisija je nakon utvrđivanja prednjih činjenica na istom sastanku utvrdila termin za e-aukciju i ista je u skladu sa odredbom člana 4. Pravilnika o uvjetima i načinu korištenja e-aukcije zakazana za dan 11.1.2021. godine sa početkom u 14,00 sati.

Komisija je na sjednici održanoj dana 12.1.2021. godine, nakon provedenog postupka e-aukcije izvršila uvid u Izvještaj o toku i završetku e-aukcije, konstatovala je da je e – aukcija uspješno provedena i da je trajala od 14,00 do 14,50 sati. Daljim uvidom u Izvještaj komisija je utvrdila da su ponuđači u postupku e-aukcije ponudili konačne cijene ponuda, kako slijedi:

r.br.	Naziv ponuđača	Konačna cijena u KM bez PDV-a
1.	„Hifa – Petrol“ d.o.o. Sarajevo	82.301,23 KM
2.	„Petrol BH Oil Company“ d.o.o. Sarajevo	82.400,00 KM

Iz naprijed navedenog komisija je konstatovala da je najpovoljniju ponudu dostavio ponuđač „Hifa – Petrol“ d.o.o. Sarajevo sa ponudnom cijenom od 82.301,23 KM bez PDV-a, odnosno 96.292,44 KM sa PDV-om.

Uvidom u Izvještaj o toku i završetku e-aukcije, utvrđeno je da je ponuđač Hifa – Petrol“ d.o.o. Sarajevo izvršio umanjenje početne cijene za procenat od 16,68%. U skladu sa odredbama tenderske dokumentacije, ponuđeni popust od 16,68 % će biti fiksna za cijelo vrijeme trajanja ugovora koji će se zaključiti, isti se neće mijenjati iz bilo kojeg razloga i obračunavat će se na cijene utvrđene zvaničnim cjenovnikom (obrazac o promjeni cijena i marži u maloprodaji, ovjeren od strane Federalnog ministarstva trgovine). Popust u ponudnom procentu će biti sastavni dio ugovora o javnoj nabavci.

Komisija je slijedom prednjeg sačinila preporuku broj 01-04-6-04631-3/20 od 12.1.2021 godine, koju je dostavila direktoru uprave na razmatranje, a u kojoj se predlaže da se ugovor u skladu sa kriterijem najniža cijena tehnički zadovoljavajuće ponude dodijeli ponuđaču Hifa – Petrol“ d.o.o. Sarajevo.

Obzirom da navedeni ponuđač uz svoju ponudu nije dostavio potvrde/uvjerenja nadležnih organa iz kojih je vidljivo da ispunjava uvjete iz člana 45. ZJN i tačke 11. tenderske dokumentacije iste je dužan dostaviti u roku od 7 dana od dana prijema ove odluke.

Prilikom razmatranja dostavljene preporuke Direktor Federalne uprave za inspeksijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



Dostaviti:

1. „Hifa-petrol“ d.o.o. Sarajevo, Hotonj bb, 71320 Vogošća
2. „Petrol BH Oil Company“ d.o.o. Sarajevo, Tešanjaska 24A/II, 71000 Sarajevo
3. Sektor za materijalno-finansijske poslove
4. Sektor za tehničku podršku i plansko-analitičke poslove
5. Komsija za javne nabavke (a/a).

13-01-2021
[Handwritten signature]

Sarajevo, Fehima ef. Čurčića br.6. Tel: ++387 33 563 360, Fax: +387 33 563 361

7
[Handwritten signature]